

欽定剿平粵匪方略

欽定勦平粵匪方略卷二百五十

庚申年

八月十八日

己卯

曾國藩奏言接准王有齡兩次

咨函張玉良嘉興大營於七月二十三日後路

爲賊所包遂致全軍潰退張玉良受傷退至石

門賊復攻陷石門距省甚近杭城危急請分隊

救援

臣奉

旨接辦皖南軍務甯郡被圍兩月周天受困守孤城屢

次求援臣現派鮑超張運蘭由涇旌兩路赴援
甫經拔隊成行斷不能失信於甯國而改援浙
江目今浙省賊勢浩大亦非三五千人所能救
全臣處別無大隊可撥必須左宗棠新軍抵徽
配足萬人乃可赴杭援剿特駱秉章奉督辦四
川軍務之

命奏明抽調湖南防兵又奏請左宗棠入蜀湖南官紳

因吳蜀兩處徵調本境空虛人心驚恐是以左宗棠遲遲未能成行臣聞逆賊石達開尚在廣西四川縱或危亂尙在半年以後浙江之阽危則在一月以內卽皖南江西之安危亦在兩三月之內緩急迥殊仰懇

天恩飭令駱秉章暫緩入蜀湖南防兵暫不抽動俾左宗棠星馳兼程來皖合兩湖江西官紳之全力

共救浙而攻蘇或有補於萬一

同日瑞昌王有齡奏言茲據張玉良咨稱七月
二十三日賊衆傾巢出撲大營我軍連戰五晝
夜疲乏已極力不能支全行潰退將士傷亡甚
多張玉良身受重傷退紮石門軍器俱已遺失
等語臣等卽飭吳再升一軍扼守石門會同張
玉良收集潰散兵勇實力堵勦一面飭令彭斯

舉等防堵海甯惟查嘉興大營潰退後四通八達處處可以內犯防不勝防且蘇常逆匪大股來援賊勢甚重杭防所存兵勇雖有一萬數千名係收集潰散之衆且杭州城大地曠守禦甚難屢請曾國藩來浙會商共持大局至今尙駐

祁門應請

旨飭下曾國藩迅卽督兵來援以顧危局儻以兵未調

齊不能赴浙卽由曾國藩就近兼顧徽防令張
芾統帶所部星馳援勦或仍由曾國藩多撥勁
旅飛速救援庶幾浙省不至糜爛大局尙可挽
回均奏入

上命軍機大臣傳諭曾國藩曰昨因王有齡奏蘇常團
練望兵甚殷諭令曾國藩卽派帶兵各員分路進攻
以分賊勢而慰人心本日復據瑞昌等馳奏嘉興大

營全行潰退張玉良身受重傷退紮石門杭州情形
危急請飭曾國藩督兵來援如不能赴浙卽令張芾
星馳援勦並據曾國藩奏接王有齡函稱石門已陷
賊匪距省甚近請分隊救援現派鮑超張運蘭赴援
甯國不能改援浙江必須左宗棠新軍抵徽方可赴
援等語現在浙江望援甚切若待左宗棠到後始行
入漸誠恐緩不濟急徵防軍務已歸該大臣兼辦張

請如尙未交卸卽著該大臣知照張芾迅卽帶兵前往救援左宗棠前已有旨令其毋庸入川仍襄辦曾國藩軍務一俟該員到後或卽令赴杭或令進攻蘇常以羣賊勢由該大臣酌量辦理可也至該大臣請令駱秉章暫緩入蜀現在四川軍務緊急若曠日持久必至滋蔓難圖前據駱秉章奏抽調湖南防兵爲數亦不甚多不至有空虛之虞朕因翟謗尙稱知兵

已賞給二品頂戴令其署理湖南巡撫以便駱秉章
交卸起程矣

二十一日壬午錫齡阿奏言嘉善踞賊恃衆拒守
副將陳步高會商參將楊占魁督帶兵勇分路
進攻協領多仁圖貴祿等督帶滿洲官兵伏北
門外參將楊占魁等伏西門外都司余安邦等
伏南門外陳步高督勇東門誘敵七月二十二

日該逆開門拒敵陳步高督勇迎擊而南北兩
門伏兵由後包截協領貴祿都司余安邦乘勢
衝殺入城四下放火賊知我軍入城不敢回顧
均由西路敗走其城內逆賊亦出西門逃竄參
將楊占魁等卽時迎頭攻擊該逆拚命奔逃立
將城池收復追殺十餘里始行撤隊回城斃賊
無算奪獲旗幟器械多件我軍亦有傷亡此次

官軍攻勦均屬得手第滿洲官兵駐守乍浦兼
以土匪紛起實屬不敷調遣新復平湖嘉善兩
城勢難兼顧仰懇

天恩飭令副將陳步高駐守平湖分繁嘉善以便相機
迎勦奏入

上命軍機大臣傳諭瑞昌王有齡曰本日據錫齡阿奏
稱七月二十二日將嘉善縣城克復請飭副將陳步

高帶兵駐守平湖分紮嘉善等語浙江自嘉興大營
潰退後省垣戒嚴現在未知情形如何實深慮念平
湖嘉善甫經收復必須有重兵駐紮防其回竄陳步
高一軍如尚未調赴他處卽著分紮該兩縣以資防
勦僉兵力未敷或卽飭令協領多仁圖等協同守禦
著瑞昌王有齡斟酌辦理並著傳知錫齡阿浙省援
兵昨已寄諭曾國藩令其派兵分路進攻以分賊勢

但恐緩不濟急張苦一軍未知曾否趕到該將軍等
與其株守省城莫若飭張玉良等迎頭截擊使賊不
能逼近城池方爲妥善

二十四日乙酉張苦奏言臣忝領兵事數載於茲
籌辦無方愆尤畢集乃荷

聖恩寬大

宣召還京仰邀法外之

仁敢爲非分之請惟臣於咸豐六年丁母憂墨經從戎
節次陳請回籍補行守制未蒙

俞允今則仔肩已卸接替有人惟有顛懇

天恩准臣回籍補行守制奏入

上諭內閣曰暫革都察院左副都御史張芾著准其回
籍補行守制以遂孝思

張芾又奏言涇縣踞匪愈聚愈衆與圍撲甯郡

之賊聯合一氣以圖久抗臣飭副將王夢麟等
督軍進剿先後將蠶嶺白華揚武山李邨源馬
渡橋十數村餘匪搜捕殆盡惟謀聞此股敗匪
已竄近甯國縣境而建平境內之賊甯郡東路
之賊又併伺廣德州城查數月來廣德屢陷署
知州高楨事事廢弛並無團丁一人隨同守禦
前此收復城池王有齡以高楨有無須官軍助

守之請致未發兵現值嘉興營潰杭州十分喫緊提督江長貴所收殘卒先顧浙省根本之不暇安能兼籌廣德幸曾國藩所派道員張運蘭一軍先抵徽郡應如何布置攻剿及籌兵援浙之處已咨曾國藩酌度辦理奏入報

二十六日丁亥劉長佑奏言石逆餘黨數萬自東

泉瓦窯敗衄後志在奪路竄越湖南追至板欖
斗江楚軍旣阻之於前粵兵復乘之於後沿途
團練又節節邀截乃改計分道並出牽緩兵勇
冀得乘虛以窺省垣其由板欖回竄永甯一股
係石逆後隊約七八千人經團紳姚宏緒等督
團截勦敗之於三隍又敗之於喇嗒七月十七
十八等日圍撲雒容縣屬之中渡該處團總黃

趾麟督練守禦斃賊頗多候補總兵李明惠復
撥營勇前往援勦大獲勝仗賊走黃冕查黃冕
爲柳州入省大路該匪悉衆竄踞勢將斷我聲
援李明惠恐追之太急賊必竄偪省垣又恐太
平股匪伺隙出擾勢難兼顧一面將勇調回東
泉一面飛函商請進止臣已由柳州洛垢酌撥
數營馳赴黃冕相機進勦復函去後探報晚用

股匪半由中營圩橫竄靈川七都查係石逆左
旗其頭隊已至潭下圩距省祇五十里臣與在
城文武日夜巡防並調回防勇環紮城外藩司
張凱嵩又調練勇千餘人陸續入城人心益固
先是疊訊賊供知此股匪黨因背石逆欲回金
陵臣曾徧發告示准其投誠二十四五等日長
髮賊目衛輝應等率衆乞降臣宣布

德意許以立功自贖仍一面督飭兵練照常守禦一面委員候補府鳳貴等前赴廟塘圩逐加點驗共收投誠壯丁七千餘人疲弱者三千餘人二十九日臣令參將陳周典等率勇數千馳往靈川興安追左旗股匪出隊後接到李明惠函報後旗賊匪尙踞黃冕分擾理定舊街一帶當派各營出隊親督追剿二十五日追至理定該匪望

旗潰奔都司陳本燉李正植等奮力追勦殲賊
三四百名其自相踐踏落水者無數是夜該匪
竄至永福城外之五里橋築卡抵禦李正植率
軍功楊子吉等用劈山礮連環轟擊賊始棄卡
狂奔我軍追至五里橋地方團練亦四山截擊
殺死溺死賊匪千餘人李明惠見賊勢已蹙派
勇悉力跟追自率三營仍由永福撤回柳州同

日又據李正植稟報追勦賊匪已至兩江圩沿
路擒斬甚衆餘匪悉竄義甯縣境查此股賊匪
屢經挫敗自應乘勢殲除已飭副將鄖世望等
督勇前往與柳州各營合力窮追並知會湖南
防兵夾擊不使餘孽蔓延至投誠部衆人數逾
萬其留營隨勦者固宜籌發資糧卽遣散回籍
者亦應酌給路費無如軍餉萬分支紺每慮力

不從心又查投誠人民多藏江西安徽湖北湖南各省茲旣自拔來歸未便令其失所應請

旨通飭各省督撫轉飭各屬州縣遇有投誠人民回籍悉令安居復業勿復追究從前並懇

飭下沿途經過省分發給口糧酌撥兵役護送出境奏

八

上諭曰勦撫兼施實中竅要至遣散回籍投誠義勇祇

可酌發口糧執照礙難派撥兵役護送著卽將所奉
硃批飭行各省未便又降諭旨

劉長佑又奏言探報石逆及賊目賴蘋新尙盤
踞武緣城外遣衆往攻南甯府城屢經官兵擊
敗仍復死拒未退該府城郭堅固留署左江道
吳德徵在任年久曉暢軍務深得民心應可力
圖戰守臣已飛咨督臣飭令廉州等府就近會

合援應兼扼入東之路奏入報

聞

二十九日庚寅薛煥奏言查蘇省糜爛不堪大江

南岸一帶現惟鎮郡孤存福山劉河有賊海口

又增逆氣常昭勢恐不保嘉定青浦已爲賊踞

松江自七月初經民團收復後僅存空城臣苦

於無兵末由展布若使浙江早發兵來俾臣稍

資調遣可以進攻青浦不但松江有恃兼亦能
分嘉興賊勢乃張玉良以三萬餘人紮嘉興城
下臣慮其將蹈金陵長濠覆轍曾進危言今平
湖嘉善已被賊擾又聞有嘉興營潰杭州震動
之說浙江省信息數日不通無從探悉臣調兵數
月僅到長龍船三十隻及都司姜德所帶勁勇
五百名李若珠續派曾秉忠全幫龍快等船及

副將向奎原部二千人來滬助剿茲曾秉忠之
船未到姜德所部勁勇甫抵吳淞口適賊逼寶
山縣城臣卽派該隊馳赴寶山會同原防參將
李延舉協力守禦幸得保全其向奎一軍現據
馮子材函稱因鎮江突緊經巴棟阿飭留協剿
未能起程至浙江應援之兵接准瑞昌咨稱已
派馬德昭帶兵勇二千從嘉興拔隊並由嚴州

抽調一千餘人，均歸馬德昭節制。赴滬又因嘉善平湖不守，飭令馬德昭等先顧海鹽乍浦，相機進剿。由平湖嘉善至松江等語。臣查嘉善平湖現已無賊，馬德昭自可督隊前來所慮嘉興軍情又變，別有羈阻。臣孤寄滬城，惟盼馬德昭向奎兩軍早來，庶免坐困。尤望曾國藩等欽遵諭旨，迅速進兵，不致再有濡滯江左，士民方有再生之

望至金壇之圍官兵齊心固守但得一旅之援
其圍不難立解臣以總兵馮子材近在鎮江咨
令派兵速援輒以鍋帳槍礮未齊爲詞一味推
託茲據鎮江府知府師榮光稟稱金壇縣文武
因望援情急稟求馮子材撥兵往救馮子材覆
該文武回文大書蘇常失陷鎮城孤立又無軍
火糧餉斷難往援等詞露封飭送以致兵民共

見此文人心渙散內有不肖兵勇聞知此情遂投賊內應不知馮子材是何用意等情臣查馮子材督帶八千餘人與李若珠派來二千名共計所帶兵勇數已逾萬自應分作兩軍以一軍往攻丹陽牽制賊勢一軍由閒道馳往金壇內外夾擊以期速解城圍乃計不出此駐紮離鎮江之四十里新豐鎮屯兵不進旣不往援金壇

又不進逼丹陽以致金壇城池潰陷文武兵民
慘遭荼毒且一聞金壇被陷隨卽撤兵回鎮似
此種種乖謬畏縮不前若不示以懲儆難期振
作且恐各將領相率效尤於軍務大有關繫請
旨將西甯鎮總兵馮子材卽行革職責令帶罪圖功以
觀後效奏入

上諭內閣曰金壇縣城被圍日久該縣文武嬰城固守

稟請總兵馮子材撥兵救援該總兵大書斷難往援等詞露封送往兵民共見遂致人心渙散迨經巴棟阿派令援勦兵已逾萬不難閒道馳往內外夾擊力解城圍仍復駐紮鄰境遷延觀望一聞城陷隨卽撤兵而回似此種種乖謬畏縮不前僅予革職尙不足以蔽辜馮子材著先行革職暫留軍營仍著巴棟阿確切查明如實係有心規避卽行嚴參懲辦

薛煥又奏言准龐鍾璐函稱自七月初五日江
陰常熟交界之賊日肆衝突龐鍾璐卽親赴西
鄉設法堵禦二十四日江陰之賊衝入常熟西
鄉崑山之賊又撲東鄉均經團勇擊退各有斬
擒嗣後東西兩路無日不戰該大臣正在招集
沙洲義勇勉力堵勦不料八月初一日大股來
犯各勇冒死迎擊而江陰悍賊數萬由顧山直

撲王莊團勇衆寡不敵致被衝散賊分西北兩路猛撲常昭縣城官紳率衆登陴該邑城垣環山外高於內賊由山腰攀城而入遂於初二日失守龐鍾璐帶勇無多難以進攻遂繞至城東收集潰散以圖恢復初三初四等日賊衆四出焚掠民團星散闔城文武不知下落該大臣卽於初六日渡至崇明現在海日逆燄益熾福山

亦於初四日爲賊竄擾太倉孤城面面皆賊竇
山上海到處逆氣大江北岸現又萬分喫緊臣
當檄大江水師嚴截江面並催上游戰艇酌檄
下駛扼杜北竄之路一面飛咨李若珠督飭水
陸各師整軍堵勦臣復飭江北地方文武嚴防
北岸毋稍疏虞奏入報

薛煥又奏言接富安蔡映斗稟報八月初二日
賊由劉河分股擾掠鄉村竄至六渡橋地方將
犯太倉州城已革道員蔡映斗與地方文武登
陴守禦遊擊富安親督各員弁抽帶兵勇出城
迎勦獲勝頗有斬擒初三日賊黨數千復來撲
城兵勇接仗挫衄都司鄧應魁聞信往救中槍
陣亡該逆環攻各門城上齊開槍礮抵禦自己

至戌尙未擊退請發餉銀並撥軍火接濟等語
臣查賊匪近犯太倉情形危急現飭蘇松大道
趕撥軍火並設措餉銀設法運往接濟並飭在
城文武悉力堅守勿稍疏虞其陣亡之南匯營
都司鄧應魁請

飭部從優議卹以慰忠魂奏入得

旨鄧應魁著從優議卹

同日瑞昌王有齡奏言查張玉良因身受重傷
在石門未能紮駐敗軍潰回省垣以致石門縣
城失陷該逆大股跟蹤直下距省甚近臣等派
副將吳再升扼之於臨平斃賊六七百名賊勢
稍卻道員彭斯舉派隊會同副將劉芳貴又敗
之於長安鎮殺賊千餘名該逆敗走惟該逆雖
受挫敗兇殘尙張石門失陷之後無險可扼賊

蹤跡忽靡常處遽可犯省垣查大營奔潰之卒
銳氣不振難以復用且軍器俱已遺失卽漏夜
趕造亦有所不及省防各營兵勇精銳本不甚
多僅敷守備之用臣等惟有激勵諸將準備迎
擊一面親率同城文武登陴守禦各處民團亦
聞風響應竊幸軍民齊心屢次獲勝聲威頗壯
一面探明賊蹤於省防各營竭力抽調分路進

兵步步爲營節節勦辦爲規復嘉郡之計仍請
旨飭催曾國藩多派勁旅迅速援浙並乘虛直取蘇常
會合掃蕩以期盡殲逆氛再張玉良勦辦數月
未能克復一城全軍潰奔幾致掣動大局應請
將張玉良從重治罪臣瑞昌調度無方應請一
併交部嚴加議處奏入

上諭曰張玉良著革去幫辦並提督銜仍責令督兵進

勦瑞昌所請嚴議之處著寬免

瑞昌又奏言查張玉良久歷戎行素稱善戰自嘉興大營潰退後威望頓挫不足以資統馭茲擬分道進兵規復嘉興必須大員統率相機調遣張玉良旣難勝統帶之任其餘馬德昭劉季三等位望相等更難統馭諸將撫臣王有齡現因籌餉巡防布置一切均關緊要且省垣爲根

本重地未可輕動 臣瘧疾未愈不任馳驅當此
時事多艱固不敢請假調理而軍情萬緊又不
可停兵待將帳轉思維難安寢饋現令吳再升
馬德昭劉季三陳步高等進兵石門一帶並分
防餘杭等處節節進剿惟前敵乏員統帶恐事
權不一難期得手查張芾御軍嚴整甚得兵心
現在徽防旣歸曾國藩督辦仰懇

天恩俯念浙省軍務喫緊准以張芾幫辦軍務卽日督
軍進剿嘉興於大局甚有裨益奏入

上諭曰一時乏人仍應責令張玉良督勦所請張芾赴
浙已諭曾國藩矣

上命軍機大臣傳諭曾國藩曰據瑞昌奏張玉良自嘉
興潰退以後威望頓挫不足以資統馭張芾御兵嚴
整甚得民心前請飭令來浙可否准以張芾幫辦軍

務督軍進勦嘉興等語昨因張芾奏請回籍補行守制業經降旨允准該將軍旣稱統領需員如張芾尙未離徽卽著曾國藩飭令赴浙幫辦瑞昌軍務

瑞昌王有齡又奏言據副將陳步高稟稱會同乍浦官兵於七月二十二日收復嘉善縣城又據署嘉興府知府邢吉甫稟稱桐鄉縣城於七月二十六日失守俟查明失事情形並文武各

官下落再行覈辦

王有齡又奏言再嘉興大營之潰實緣逆黨十
餘萬屬集嘉興與我軍血戰五晝夜不得休息
復分出東北兩門抄襲後路將我西南一帶營
盤包裹在內致副將張應祿參將羅熙賢遊擊
戴序武等均未突出重圍至今尙無下落張玉
良亦受重傷然能堅持一二日吳再升等援師

卽到尙可有爲何至潰散後竟不駐守石門使賊得志又分兩路一從石門直達塘棲一從長安徑犯臨平有撲省城之意現在城外雖有防兵而地方遼闊必得各歸統領以專責成當派兵援應城外各營一面增築敵臺添置守具並多派員弁逐段巡查將散勇遊匪盡行驅逐出城以清內患旋據探報塘棲之賊已爲民團擊

敗向新市一路而去而長安之賊分撲海甯經
彭斯舉劉芳貴等撥隊兜擊追至長安斃賊無
數當卽收復該逆奔回石門是逆氣漸遠省城
得以暫安第石門以外一片賊氣難保不再圖
內犯且新市練市焚掠一空四安一帶又有另
股賊蹤湖杭同形危急現又商派馬德昭吳再
升劉季三陳步高等各率二三千人或自塘棲

進或自長安進或自餘杭武康進與彭斯舉劉芳貴趙景賢各軍互相聯絡以冀節節進勦兼援湖州惟瑞昌抱病未痊旣未能督師出省臣又須留守省垣深恐三軍統率無人事權不一且新收潰卒不堪復用若不重整規模使壁壘壘一新而欲求轉敗爲功殊不可必至左宗棠張運蘭各部已漸次到齊所望曾國藩迅卽進兵

聞

直擣蘇常使賊首尾不能兼顧則不必援浙而
浙已受其益矣奏入均報

欽定勦平粵匪方略卷二百五十一 庚申年

九月初二日

壬辰

都興阿奏言查吉林馬隊及額

林翼派撥步隊千人親兵百名已於八月十七

日到齊臣卽於十九日由英山起程趕緊馳赴

江北惟准王夢齡咨稱江北糧臺餉需支絀請

由楚省寬籌餉銀攜備接濟查臣自四月由荆

起程湖北協餉均經散給所帶馬步行糧已不

敷九月分支放楚省情形斷難寬備請

旨飭下王夢齡等務先設法措辦豫籌接濟庶免楚師匱乏之虞奏入報

初四日甲午駱秉章奏言查粵東賊目周春粵西

賊目曹偉人等均係石逆夥黨兼聞逆目賴蘋新亦與曹偉人會合蹤跡詭幻出沒無常屢據

獲賊供詞或稱圖竄湖南或稱欲由湖南竄江西因湖南各路防堵嚴密該逆但思取道邊界以爲竄江之謀若備禦稍疏卽難保不伺閒以逞使湖南有事則從征兵勇室家在念無以安各省楚軍之心儻江西被擾則皖浙皆警亦恐掣東征大局之肘臣前因張運蘭一軍調赴皖南卽飭同知楊安臣副將朱升開等添募勇丁

分赴桂陽宜章扼要設守據探東昌仁化兩城俱爲賊踞東昌一股有併趨仁化之說復飭同知魏喻義自臨武移紮宜桂交界地方聯絡布置七月十九至二十三等日粵東逆賊連次犯界均經我師截擊未令竄越惟仁化壞接江楚賊蹤相距非遠邊防仍不可稍鬆而粵西石逆分股之竄擾融縣懷遠者始於斗江以

圖窺通道經參將江忠朝擊卻復擾義甯永甯
靈川興安灌陽等處沿途裏脅勢甚猖獗臣從
前奏明令黃濱熙防堵城步令劉嶽昭由東安
赴新甯原期厚集兵力迅將此股掃蕩庶楚邊
撤防得力兵勇可以抽調遠征今賊勢漸東已
於八月初七日闖入永明縣境雖經周達武王
永章合力擊退然賊鋒尙未大挫若令越過永

明卽慮蔓延爲害臣已飭劉嶽昭折回永州暫
統南路諸軍通籌防勦並飭黃湻熙移紮東安
江忠朝回駐新甯如機有可乘卽便分道齊出
併力勦辦臣欽奉

諭旨飭令催齊兵勇迅速入川查湖南邊防喫重永道
各州縣人心惶惑未便遽將重兵調開前所調
劉長槐于高勝朱品文三營又以皖北軍務正

當緊要僅准將朱品文一營派遣回

報行抵何處節經飛催劉嶽昭黃湧熙妥速布置但使兩軍中有一軍可以勉強抽調臣卽督帶入蜀冀紓

聖主西顧之憂

駱秉章又奏言候補四品京堂左宗棠奉

旨派援江浙臣恭錄移催左宗棠趕緊料理起程業於

八月初八初九初十等日分起拔營由醴陵萍鄉一帶前進

同日李若珠奏言據探逆首僞英王等由金陵丹陽句容等處糾集十餘萬衆自九洑洲新江頭擄船二百餘號晝夜北渡意欲乘虛下竄臣派副都統海全副將詹啟綸等各帶馬步兵勇在儀徵東溝要隘整隊以待八月十六日逆衆

大股竄抵儀徵西北鄉一帶青山東溝亦有賊匪據掠詹啟綸等帶隊馳往適知縣楊鍾珠等管帶楚勇鄉團與賊鏖戰詹啟綸等奮力接應賊環山而走勢欲包抄勇目林成興等輕騎殺入斫倒悍賊二十餘名我軍數道齊進逆衆驚潰往六邑之靈崖山一帶奔逃十八日臣派海全詹啟綸等由甘泉山金家集一帶進攻該逆

來路刀經明等由銅山青山一帶包抄該逆後
路並令參將沈萃錫等由儀徵東溝一帶會合
楊鍾琛擇要屯紮遙爲接應一面知照總兵賴
鎮海等各帶所部師船緊靠儀徵口岸以防該
逆水路下竄十九日各營整隊前進該逆恃衆
抗拒刀經明等從山路趕到將逆隊截爲兩段
詹啟綸等緊躡賊蹤沈萃錫楊鍾琛等各率兵

勇團練併力擊追艇師又復登岸截住該逆落水者不計其數餘衆四散棄新豐等處敗匪現聞糾合大股於八月初二日竄至常熟福山一帶意圖北竄臣咨令總兵黃彬卽駕所部師船並調派張潮師船二十餘號於十九日親往下游一帶督同原駐靖江之副將郭定猷相度情形擇要扼紮並一面商令喬松年等轉飭通泰

如靖各州縣認真團練嚴爲布置以與水師聲
勢聯絡臣又於揚防派出一軍以備沿江接應
均奏入報

聞

初五日乙未慶端瑞璣奏言閩省援浙各軍總兵
繼興參將周璧等所帶兵勇均早抵杭尙有遊
擊吳青華帶兵一千名暫駐衢州嗣因餘杭告

警臣卽飭吳青華拔隊前進現在悍逆悉趨嘉興大營全行潰退該逆旋卽攻陷石門勢甚兇悍賊蹤飄忽在在堪虞自應由閩添派勁旅馳往援應查臺灣兵勇現經署建甯鎮總兵曾玉明挑帶千名分紮建郡一帶復由臣撥臺灣鎮標兵五百名丁壯一千五百名另調漳州兵一千名共三千名均交曾玉明統帶赴浙確探逆

蹕迎頭扼勦並以臺勇千名交知府張啟煊統
帶駐紮建郡又添調漳州等營兵共一千名派
員統帶駐紮浦城以固福建上游門戶爲浙江省
三衢聲援如果杭垣兵力不敷即可移師策應
並將原駐建郡暨仙霞嶺之兵一千名仍交遊
擊盧成金管帶移紮衢州至援浙兵勇總計九
千二百名均帶三箇月日糧繼興一軍並經續

解銀一萬兩仍飭局竭力籌畫按月解濟以免
譁潰奏入報

問

初七日丁酉劉源灝奏言粵逆竄擾永甯旋經收
復其竄出股匪經過鎮甯安順安平龍里因各
郡邑城防嚴密無可駐足遂狂奔下竄至獨山
州境署知州侯雲沂等帶領兵團截擊屢獲小

勝而本地教匪導引粵逆從僻路徑撲州城侯
雲沂等趕回守城賊衆四面圍攻七月初二日
小東門城牆爲地雷轟塌逆衆一擁而入侯雲
沂等同時遇害州城失守其占踞歸化一股經
總兵巴揚阿等奮力堵擊直抵廳城該逆逃竄
官軍追斬五六百名歸化廳城卽於七月十三
日收復餘逆由歸化一路直撲長寨廳城經該

廳文武併力擊退該逆遂竄陷定番八月初四
日賊至青巖汎城攻撲城上開放槍礮斃賊二
百餘名賊勢稍卻連日該逆更番圍攻勢甚危
急而獨山一股復有竄併定番之信省城僅有
飢兵數百岌岌可危伏乞

飭下田興恕迅由婺川遵義赴省救援以固根本重地
署獨山州事知府侯雲沂署定番州事通判恩

常等均請

旨飭部分別從優議卹以慰忠魂奏入

上命軍機大臣傳諭劉源灝田興恕曰粵逆糾衆數萬
逼近省城情形岌岌可危著田興恕統帶得勝之軍
徑由婺川遵義赴省救援此路尙無賊阻迅速可到
俟省垣附近一帶賊勢稍鬆再出省以次勦辦

上諭內閣曰粵逆屢陷兩州著劉源灝飭令帶兵各員

迅圖克復毋任蔓延署獨山州事知府侯雲沂著照
知府陣亡例從優議卽署三腳至州同荔波縣知縣
吳兆麟吏目徐景程署定番州事通判恩常署吏目
布政司經歷陳秉鈞署獨山營守備都司龍建極均
著交部從優議卽其餘文武下落著劉源灝查明具
奏該撫未能先事豫防著交部議處

同日楊載福奏言臣疊奉

諭旨遵催吳全美等全部下駛一面分派副將李濟清
等七營護船進駐大通接應茲據李濟清稟報
李德麟帶前幫船隻業於八月十七日自大通
起碇前赴魯港與吳全美會齊東下臣現飭李
濟清等候吳全美李德麟師船行過蕪湖卽行
分營進紮以固江防奏入報

十一日辛丑曾國藩奏言張運蘭一軍於八月初

八日帶隊行抵旌德探聞涇縣之賊竄踞東岸長興建平之賊竄襲廣德州逆酋四眼狗竄踞甯國縣該道防賊抄後暫紮旌德與宋國永一軍東西援應宋國永於八月初六日行抵長園探聞石埭大股賊匪竄入鐵家嶺三叉嶺所有徽軍原防太平甘棠之副將余永椿參將袁國

祥等營盤被陷宋國永派營分駐山口烏泥關
以當前敵初七日賊衆繞撲我營當卽派隊擊
退初八九等日宋國永追賊至太平三口一帶
旋卽進紮甘棠分布各嶺查僞輔王楊七麻子
攻圍甯國郡已久十六日接周天受密書知城外
各營全陷城內糧藥俱盡勢將不支正在飛催
馳援十七日據探甯國郡城已於十三日戌刻

失守並據副將熊廷芳自甯郡潰圍退至旌德
稟稱十二日大雨如注火藥不燃賊乘勢撲入
各營同時潰散賊分踞我營拋擲火器入城周
天受令百姓上城守禦各隊兵勇開南門衝出
千餘人城池遂陷周天受及道府各官不知下
落等語查甯防兵勇近七千人堅守七十餘日
屢經擊退賊匪乃賊黨四面驅至糧盡援絕一

朝失陷實堪痛惜張運蘭馳抵旌德甯邑陳逆
伺其右涇縣賴逆阻其前兵力過單勢難獨進
宋國永馳抵太平因徽軍有余永椿之敗西路
未清該二員尙非赴援不力應免置議李元度
於八月十六日帶勇抵徽已在甯郡失事之後
暫令接辦徽防事務鮑超於春間請假三月乃
六月間由蜀起行逾期已久至八月二十日始

到祁門遷延貽誤咎責難辭應請

旨將綏靖鎮總兵鮑超革去勇號以示薄懲仍責令督軍進勦力圖克復至浙江候補道廖士彥經周天受飭令赴浙催餉業已撥給餉銀該員沿途逗留聞警折回致甯軍因飢敗潰尤燭畏葸無能應請

旨將廖士彥卽行革職臣甫經奉

命接辦皖南軍務兵將未齊派援未至甯郡卽已失守
亦有應得之咎並請

旨將臣交部議處皖南鎮總兵陳大富駐紮南陵堅守
半年今甯國旣失南陵孤懸賊中萬難獨守臣
已囑其自拔出城潛至江邊由水師接送上游
以圖再振甯郡旣已失守嶺外各股悍賊乘勝
內撲徽績祁黟處處交警臣仍駐紮祁門飭李

元度防守徽州添派禮字及河溪等四營馳往
績溪協防張運蘭仍禁旌德鮑超一軍仍駐太
平堅守靜鎮以伺逆賊之隙飛催左宗棠新軍
倍道來援共圖克復甯廣以期進規蘇常奏八
上諭內閣曰曾國藩奏甯國府城被陷張運蘭宋國永
馳抵旌德太平等處卽遇悍賊窺伺兵力過單未能
前進尙非救援不力均著免其置議鮑超請假逾期

至八月二十日始到祁門遷延貽誤咎實難辭姑念其驍勇素著著革去巴圖魯勇號以示薄懲仍責令督兵進剿力圖克復至浙江記名道廖士彥經周天受飭令赴浙催餉業已撥給餉銀該道沿途逗留聞警折回以致甯軍因飢敗潰尤屬畏葸無能廖士彥著卽革職以示懲儆曾國藩甫經接辦皖南軍務雖因兵勇未齊派援未至究屬失於防範著交部議處

周天受嬰城固守數月之久力竭被陷殊堪憫惜著查明該提督及閩城文武下落迅速具奏

曾國藩又奏言臣前奏通籌大局不撤安慶之圍以取上游之勢調募兵勇原擬七月取齊八月進剿冀從廣德一路疾趨蘇境不料廣德再失而甯國又陷八月將盡兵將尙未畢集不能救浙圖蘇並皖南亦岌岌可慮寸心愧憤

無地自容然細察地勢舍此別無下手之方但使陳楊諸悍賊盡來皖南分救安慶則於臣處雖日形竭蹶於下游或少得蘇息總之臣身在

皖南心懸江浙財賦菁華之地蹂躪日甚一日卽餉源日絀一日生靈困苦所不待言

聖主軫念東南臣何敢不以

聖主之心爲心蘇人痛深水火臣何忍不以蘇人之患

爲患俟皖南立腳稍穩卽當分派一路先趨蘇境以慰

宸廬而符原議奏入報

聞

同日薛煥奏言常熟昭文二縣失守後逆匪於八月初四日圍撲福山城垣總兵葉萬清登陴守禦城陷被害嘉定賊匪屢至太倉攻撲前署

鎮洋縣知縣吳樑帶團禦賊陣亡賊亦旋退八
月十四日大股逆黨直撲西水關小西門等處
遊擊富安等嚴飭兵勇竭力守禦詎另股逆匪
已由大南門登城而上以致州城復失富安等
收集潰兵退至寶山駐紮臣查福山兵力無多
太倉兵勇亦數不滿千本形單薄常昭失後該
處四面皆賊遂致不能固守現在賊勢聯成一

片其燄愈熾且福山緊對之通州爲裏下河門
戶卽崇明寶山以及沿海各處均覺岌岌可危
寶山縣城與吳淞海口係上海咽喉尤爲要隘
臣現添派礮船兵勇協力助守一面飛催浙江
派援之馬德昭帶領兵勇星夜前來以資堵勦
所有被害之福山鎮總兵葉萬清應請

旨飭部照例議卹其陣亡之前署鎮洋縣知縣吳樸本

係失守案內例應革職查辦之員應請毋庸置
議奏入

上諭內閣曰賊匪於八月初四日圍撲福山城垣總兵
葉萬清登陴守禦城陷遇害署鎮洋縣知縣吳樸帶
團禦賊亦於是日陣亡其太倉州城復於十四日失
守吳樸本係失守案內例應革職查辦之員著照該
撫所請毋庸置議福山鎮總兵葉萬清著交部照例

議卹以慰忠魂

同日張芾奏言臣准瑞昌鈔摺咨會請

旨飭

臣

帶兵赴浙會勦伏念

臣

於徽州一隅之地數載

用兵猶虞決裂豈能勝此艱鉅之任現在交替

防務以後並無一兵且徽防將士習於山徑不

利於平原又積欠餉需飢疲已甚勢難猝當大

敵

臣受

恩深重豈敢心存規避而大局所關亦何敢輕率嘗試
不先據實直陳致滋貽誤奏入報

十三日癸卯

巴棟阿奏言賊首李侍賛抽調蘇常

悍賊四萬餘衆復犯鎮江由新豐丹徒至京峴
山零山等處橫排二十餘里勢甚猖狂八月二
十七日分路圍城臣督帶各軍登陴守禦馮子

材督隊出城從甘露寺包抄賊後並攻雩山股
匪我軍槍礮齊施斃賊不少賊猶拒死抗拒復
添調礮隊左右夾擊並經臣揮令各礮臺連開
大礮對準轟擊逆勢不支始行回竄其北門臨
江之賊亦經艇師開礮擊退二十八日賊由原
路來犯勢極兇猛臣督率所部在西南二城固
守馮子材督副將梁克勳等守禦東北等門均

各開礮轟擊馮子材復派副將膝嗣林等帶兵出城包抄夾擊遊擊向心照等從中截勦馮子材親督小隊往來策應屈古元身先士卒撲入賊叢立刺悍匪多名被賊撞礮打中頭顱受傷甚重直至戌刻賊始敗退該逆連日屯伏附近山下夜則施放火箭擾我軍心晝則更番攻撲疲我兵力屢次接仗斃賊不少該逆仍不肯退

惟有嚴密守禦以遏兇鋒此次賊多且悍亟須
添調援兵以資協勦臣已咨李若珠將前次援
壇之忠勇二千名飭令來鎮協防一俟到齊卽
設計會隊進剿再據參將李新明稟稱八月二
十六日諫壁鎮港口有大小賊船百餘隻讐擁
而出都司李廷邦等督飭各船開礮擊倒紅衣
賊目數名賊船亦多擊損是日丹徒鎮亦有大

股賊匪撲至江濱河口小敵船暨杉板長划等
船約三百餘隻紛紛出港李新明遂揮令各船
開礮對賊攻擊斃賊十數名打壞賊船甚多餘
皆退往內河臣仍飭令扼要嚴防隨時迎剿

巴棟阿又奏言據探金陵觀音門燕子磯等處
有賊船三百餘號並修造礮船多隻欲由長江
下竄又聞金陵下關一帶賊造多槳長龍船六

十餘隻僞用吳全美旗號俟造成卽行下竄逆情詭譖不可不防當卽咨商總兵黃彬帶艇船二十餘隻前往通泰靖江保裏下河完善之區惟鎮江一帶戰艇無多勢尙單薄現有大股悍賊環城攻撲情形正在危急而西北濱江一帶扼守孤城尤賴師船之力頃又探報金陵逆首挑選悍賊數千一併竄犯鎮江此時陸路勦防

倍加喫重尤須與瓜揚聲息相通鎮城街市蕭
條糧食一切南岸無從購辦悉由江北日運日
銷已飭令地方府縣採辦米糧食物存儲接濟
以備不虞至兩江督臣曾國藩威名久著各處
軍民無日不望其南來仰懇

天恩飭催曾國藩迅速統師來南會合各軍剋期大舉
庶大局早得挽回奏入

上命軍機大臣傳諭巴棟阿李若珠曰據巴棟阿奏稱
賊首李侍贊抽調蘇常悍賊環攻鎮江府城經巴棟
阿與馮子材督隊出擊該逆仍不肯退現在固守待
援等語大江以南偏地賊蹤自常昭失守以來鎮城
益成孤立著巴棟阿督率馮子材等嚴密防守以維
大局李若珠派援之忠勇二千當已到齊並著設計
進剿力卻賊氛至諫壁鎮等處賊船出港雖經擊退

金陵之賊尙有礮船多隻下關一帶賊造長龍船僞用吳全美旗號逆情詭譖尤須加意嚴防著李若珠飭黃彬陳國泰等統率師船併力防勦江北一帶亦須嚴爲布置毋令紛竄吳全美李德麟所帶各船據楊載福奏業於八月下旬起碇並著李若珠飛催該鎮等迅赴下游以厚兵力巴棟阿請催曾國藩統師來南之處已諭令撥軍赴援矣

上又命軍機大臣傳諭曾國藩曰據巴棟阿奏蘇常大
股逆匪攻撲鎮江請飭曾國藩迅速統師來南等語
江蘇自常昭失守後鎮江一府孤懸江岸必須竭力
保全以爲進規蘇常之地雖經巴棟阿等勉力支持
無如餉絀兵單十分危急且金陵之賊亦有下竄之
信甚屬可慮前閱曾國藩奏摺知該大臣刻刻以蘇
常爲念鎮江儻有疏虞則江南賊勢瞬成一片異日

進兵更爲費手著該大臣統籌兼顧迅發勁旅馳往
援救務須設法保全是爲至要

十四日

甲辰

瑞昌來存王有齡奏言長安塘棲兩

路賊退後石門縣城間亦退出已派吳再升一

軍進紮石門馬德昭一軍由臨平長安相繼前

進彭斯舉劉芳貴兩軍仍在海甯防堵八月初

四日賊竄至東路之烏鎮等處經兵圍擊退是

日西路亦有賊竄至長興境內又經該處民團
傳集四萬餘人迎頭痛勦該逆踉蹌而遁又有
另股賊匪竄踞四安兼入安吉縣境該縣知縣
周冕帶領兵團兜剿該逆竄往廣德查江長貴
前報收復廣德督隊前進不意而月以來仍駐
安吉近接來函知該提督又自安吉退至孝豐
廣德復爲賊踞臣等前派陳步高一軍駐紮餘

杭正擬西進據探安吉孝豐地方均有賊匪搶掠又據於潛昌化等縣稟報賊匪竄至甯國縣之獅橋一帶目前情形於昌安孝同時喫緊已有防不勝防之慮適淮錫齡阿來咨平湖縣城又於八月初五日失陷乍浦密邇賊氛請兵馳援而嘉善縣城聞亦於是日復失臣等商派已革總兵米興朝統帶兵勇二千餘名赴乍會同

錫齡阿堵勦其彭斯舉各軍祇可爲東路聲援
浙軍處處牽掣實未能兼顧廣德之防已咨請
曾國藩酌覈辦理忽接趙景賢稟十六日平望
之賊衝至雙橋拏獲被擄難民供稱僞忠王帶
礮船三十隻大小船六七百隻水陸並進專攻
湖州等語是日卽撲震澤鎮到南潯打館並竄
至九里橋十里廟等處該道卽派都司武業祥

等往昇山紮營堵扼其在城兵勇不過二千五百人不數分布請卽撥兵應援查省中新收潰軍銳氣未復且與該處不甚相宜不得已札飭陳步高酌帶一二千人就近前往而令劉季三赴餘杭接統其衆並派守備李錫慶帶勇六百餘名先後援湖能否保全未敢豫必且南潯一路可由新市塘棲直達省垣現擬另派礮船

聞

至新市防堵而賊船甚多殊有衆寡不敵應接
不暇之勢奏入報

王有齡又奏言逆匪出沒杭嘉湖之間我師疲
於奔命曾國藩經營江皖兵力難分有不能援
浙之勢張玉良屢經挫衄威望早失銳氣全無
浙中全省震動已三次矣仰賴

皇上如天之福得以幸保孤城然天幸不可屢邀人謀
不可不豫現在湖州萬分喫緊安吉孝豐於潛
岌岌可慮分布防勦不過暫顧目前久則終慮
決裂設省外各郡均遭蹂躪省城勢難獨存竊
維賊衆我寡地廣兵單非使彼有反顧之憂恐
我終成坐困之勢浙中諸將如道員彭斯舉總
兵吳再升副將劉芳貴等或有勇知方或驍健

敢戰然必須得人統率方能一氣相聯將軍臣瑞昌志慮忠純副都統臣來存謙識英偉惜皆久患暑癱瑞昌固勢難出勦來存亦調理需時刻下於潛警報頻聞省南防務喫重臣未便北赴嘉湖致令羣情搖惑查曾國藩本擬俟左宗棠到後由廣德進剿蘇常近接來咨知左宗棠行將入蜀曾國藩奏請仍令赴皖以便援浙攻

蘇是舍左宗棠一軍外別無可濟之師惟有仰懇

天恩飭令左宗棠迅速前來辦理江浙援勦事宜庶浙江省可望轉機卽蘇常亦可漸圖進取奏八

上命軍機大臣傳諭曾國藩曰據王有齡奏稱浙江省三次震動幸保孤城現在湖州喫緊浙江省無統兵得力大員請飭左宗棠前來辦理江浙援勦事宜等語浙

中諸軍如道員彭斯舉總兵吳再升副將劉芳貴等
尙屬敢戰必須得人統率方能相聯一氣前據瑞昌
奏請留張芾幫辦軍務昨張芾已奏明不能赴援計
左宗棠此時當抵祁門著曾國藩酌量情形如徽甯
一帶無須此軍卽令左宗棠統率所部迅由廣德督
軍進剿於江浙兩省軍務均有裨益